

optica moderna



SPRITZER + FUHRMANN

ARUBA ANSE COURANT



Diario pa



Aruba



DIALUNA 30 JULI 1962

No. 4399

MERCA TA BAI PRESTA YUDANZA NA ARGENTINA

BUENOS AIRES, 30 juli — E minister argentino di asuntonan economico, Alvaro Carlos Alsogaray, a declara ajera cu e negociacionnan cu el a hiba na Merca tocante adquisicion di yudanza urgentemente necesario pa su pais, tabata leu di facil.

Nos no por permiti nos mes di comete mas error, asina el a bisa. Esaki ta nos ultimo oportunidad. Minister Alsogaray a bisa, cu un cantidad di experianan di e fondo monetario internacional lo yega Buenos Aires na cuminsamentu di augustus. Tambe nan ta spera pronto un delegacion mericano, cu lo studia e yudanza na Argentina den cuadro di e alianza pa progreso.

Merca, manera tabata anuncia, a bai

INUNDACION NA PHILIPINA

MANILLA, 30 juli — Segun anuncioan inoficial tin na Philipina cu a wordu azota door di inundacion mas di 40 morto. Milles di tera ta bao di awa, mientras trafico na noord di Manilla ta completamente desfrena.

di acuerdo pa duna yudanza adecuado na e gobierno di Argentina na su intencionan pa limita e presion inflatoria.

E FLOTA RUSSO DI SUBMARINO

MOSCU, 30 juli — Un oficial di marina Ruso, schout bij nacht Vyrykin, a declara den un revista Ruso, cu e submarinonan Ruso equipa cu raketnan ta bon instrui den accionnan bou di ijs di polonan norte. E oficial a scribi den e articulo aki ademas, cu e submarinonan moderno aqui ta equipa cu armanan di raket y torpedonan cu cabeznan nuclear cualnan ta busca nan blanco nan mes.

Nos ta posee e posibilidad pa for di navenan di marina por afecta bapornan y gruponan di bapor cu ta paford di awanan teritorial di Union Sovietica gravemente.

HEATH TOCANTE NEGOCIACIONNAN NA BRUSSEL

LONDEN, 30 juli — E negociador Ingles na e deliberacionnan na Brussel tocante e mercado comun, Edward Heath, a yega Londen for di Brussel. Riba e pregunta cu e negociacionnan a fracasá, el a contesta cu den e ultimo dianan nan a papia tocante e problema di mas dificil.

Esaki no por worde solucioná den tres dia y algun anochi y otro siman nos lo bolbe trata pa yega na un solucion, asina minister Heath a bisa.

DESGRACIA SERIO DI TREIN NA MERCA

HARRISBURG, 30 juli — Na un desgracia di trein na Steelton, un ciudad banda di Harrisburg den estado mericano Pennsylvania, ayera a muri por lo menos 25 hende y 120 a worde herida. E trein, cu entre otro tabata hiba 95 fanatico di beisbol na Filadelfia unda lo tabatin un partido a sali for di riel ora cu e tabata corre banda di e riu Susquehanna. Tres wagon a cai den e riu y a quida den awa plat. Mes ora trabanonan di rescate a cuminsa. Helikopternan di forsa aerea di marina a hiba heridonan na hospital.

SALUDONAN DI BEATRIX

ORANJESTAD, 30 juli — Durante nan permanencia na Aruba danki Dios cu Princesan Irene y Margriet por a goza hopi di playa y tamar. Ora cu na un momento dado Princesa Irene a duna di conoce e deseo di bai practica waterskies un ratu ta Sr. Morris Neme, como campeón di waterskies tabatin e honor di a asisti princesa Irene na e ocasion aki. Ora cu e princesa a contra eune el a habri e conversacion: „Mi mester trece pa bo saludu di Beatrix mi ruman.“

Na anja 1958 Neme a asisti princesa Beatrix tambe durante e tabata practica e mes deporte aqui. Ta mas cu claro cu Sr. Neme a sintie masha contentu cu princesa heredera a manda cumindamente p'e.

Pa medio di esaki redaccion ta expresa su lastima cu ainda no a aparece un reportage di foto di bishita na Aruba. Esaki tabata debi na dificultadnan tecnico. Sin embargo e ta priminti di aparece majan dia(mars) cu enter un pagina di foto di e princesanan.

cansancio y e solo cayente, y mientras cu hopi dje personanan prominente cu tabata escorta e princesanan tabata vacila pa bai mas leu, e princesanan a cuminsa subi e barancanan yen di energia pa saca portret y algun film.

Huntu cu jonkvrouw Roell princesa Margriet a haci e kuer di e barancanan grandi. Nan tabata pasa den hanchinan smal, pasando di un p'edra pa otro, tin biaha tabatin slippamento, pero harendo y yen di pret Princesa Margriet tabata goza di e aventura aki. Tambe nan a saca film di un mata di Divi-divi na Ayo. Masha pret e princesa Margriet tabatin ora cu el a sali na un otro banda di entrada y a nota cu tur e fotografonan tabata para ainda na e entrada ta sperando nan salimento pa saca portret. Mientras cu otronan ta fluit e fotogr: fonan pa hala nan atencion cu no tin mester di spera mas na e entrada, cu va e princesa a sali na un otro lugar, princesa Margriet a hari y laga nan saca su portret, pa muestra cu no ta pa malu e kier a tene nan di spektakel.

Na Ayo S.A.R. Princesa Irene a gradid senior Carlos Keikboom personalmente pa un programa di radio cu a worde dedica especialmente e mainta ey na princesa Margriet, sabiendo cu Su Alteza Real ta gusta canticanan mexicana. E princesa a scucha e programa aki na e radio di auto.

F A T U M—Tel.: 1845
pa tur bo aseguronan

E bishita na diferente puntonan ta continua y na e mina bieuw di oro na Rooi Frances tabata e siguiente y ultimo stop pa e diasabra.

Despues di esaki nan a regresa pa Aruba Caribbean Hotel na unda nan a diverti nan atardi den e awa blauw y otro pasatemponan agradables na Beach Palm di Aruba.

Er gebeurt iets onvergetelijks wanneer U een Parker 61 geeft



ONVERGETELIJK... die trots en vreugde in de stralende ogen van iemand die zo'n prachtige nieuwe Parker 61 mag ontvangen. Onvergetelijk ook, dat prettige gevoel het precies juiste geschenk te hebben gekozen. Die zekerheid hebt U bij het geven van een Parker - U kent zijn reputatie van kwaliteit en feilloos functioneren. En de Parker 61 heeft geen bewegende, dus ook geen brekende of slijtende delen... alleen de inkt beweegt - bestendig en moeiteloos - in dit volkomen nieuwe type pen. Kies voor een onvergetelijk geschenk, voor een vulpen, die de jaren door grote waardering zal ondervinden, de fameuze Parker 61.

Parker 61

NU BIJ UW DEALER! De nieuwe Parker SUPER QUINK
• de beste inkt voor alle pennen - speciaal voor de 61

een produkt van

DE PARKER PEN COMPANY

Agenten: Marchena, Moron & Co. N.V.

Na COLEMAN modern y sólido ta bai huntu!

Articulonan pa cas di kerosin of gasolin.



STOOF DI MESA

1 candela f 16,—
2 candela " 22,50
3 candela " 29,—



Lanterna

f 28,50
" 34,50



FORNU APART

f 11,50



HERU DI STRIKA

f 20,—
" 24,—



STOOF DI LUJO

* 4 CANDELA
* FORNU
* LOGA PA WEJA
f 320,—

NA CUOTA:
f 60,— na man
f 26,— pa luna

MARCHENA MORON & CO N.V. Palais Royal

FUNCION DI ALUMNONAN DI SRA. LOES DE RIJK

ORANJESTAD, 30 juli — Dia Sabra anochi tabatin un funcion exitoso di alumnonan organiza door di alumnonan di Sra. Loes de Rijk. E programa a haci mencio di diferente alumnonan. Decenanan di muchanan a laga nan majornan tende quico nan a sinja di Sra. de Rijk riba terreno di musica di piano, acordeon, fluit i guitarra. Apesar di hopi solista a presenta tambe diferente gruponan gracioso riba podio, manera e Grupo Melodica, cu tabata consisti di Rica Bitter, Rubia Alberti, Klara Arends, Nette van de Kappel, Tineke de Meer, Janneke van de Esched, Jan den Heijer y Stanley Sedney; dos grupo di acordeon, sia: uno cu Adith Perez, Amanda Arends, Babs Kroonenberg, y Gilbert Arends i otro cu Ankie Jongewaard, Elly Jongewaard, Jane Beaulon, Yisje de Jong, Rupert Lacle i Realino Eme-

renia, pa termina tres grupo di fluit, esun di prome cu Vera de Graaf, Henk Bastiaanse i Silvio Emerencia; di dos cu Ankie Jongewaard, Meluska de Haseth i Rudy Poetz i di tres cu Emelda Arends, Gemma de Graaf, Rubia Alberti, Martha Bastiaanse i Johnnie Niekooop.

Esaki a hira un anochi exitoso, tanto pa Sra. de Rijk como tambe pa e muchanan mes i nan majornan.

CARDENAL ACASE COUSSA A MURI

CIUDAD DEL VATICANO, 30 juli — Den anochi di diasabra pa diadomingo a muri na edad di 65 anja cardenal Acuse Coussa, kende tabata miembro di e congregacion di Iglesia oriental.

QUEHO DI SIRIA CONTRA NASSER

DAMASCUS, 30 juli — E gobierno di Siria a entrega un queho cerca e consoho di e Liga Arabe contra loke e ta yama intervencion di Nassar den asuntonan interior di Siria, asina nan a informa di fuente oficial na Siria.

E minister di exterior di Siria a yama e representante di e Liga Arabe cerca y a entrega un queho cu un peticion pa un reunion urgente di e consoho.

President Nasser di Egipto diadomingo den un discurso na Cairo a bisa, cu e poblacion di Siria ta lucha contra e reaccionarionan y finalmente lo corre cu nan. Luna pasa september Siria a quibra relacionnan cu Egipto despues di un golpe di estado militar.

FORSA MILITAR DI ALEMANIA WEST

BONN, 30 juli — E minister di Defensa di Alemania occidental, Strauss na Bonn a bisa cu e maximo pa e forsa militar di Alemania occidental lo ta 500.000 homber. Den un discurso na e studiantenan for di discauter pais Strauss a bisa, cu Alemania occidental no ta capaz pa surpasa e limite aki, manera actualmente comandancia supremo di NAVO ta desea. E forsa actual ta mas o menos 350.000 homber.

WERKBOEK PA CUBANONAN

HAVANA, 30 juli — Gobierno di Cuba, a dicidi ayera, pa instalacion di un Werkboek, local ta obligacion pa tur persona riba 18 aña, cu por traha. E entrega di documento aki lo cuminsa dia prome di agosto entre e desampadonan, 572 oficina specialisa, y 3500 funcionario di ministerio di trabou, lo ocupa nan mes cu e operacion aki. E werkboekje lo registra tur actividadnan di obrero, di cumintamento te fin di su trabou na un of otro empresa, y dje sueldo cu el a hanja. Door dje medida aki, lo ta posibel, dispone di un dia pa otro riba un lista di e reserva di obreronan den e pais.

Bishita di Soebandrio na President Kennedy

WASHINGTON, 28 juli — Dr. Soebandrio, e minister indones di exterior, ajera nochi o bishita president Kennedy. E bishita a worde organisa den pura. Dr. Soebandrio tin ya caba un siman na Washington en conexio cu e deliberacionnan secreto entre Indonesia y Hulanda tocante West Nieuw Guinea. Prome cu el a bai Casa Blanca, Soebandrio tabatin ajera tardi un entrevista cu dr Van Roijen.

Na e conversacion ey tabata presente e diplomatico mericano, Ellsworth Bunker. Den e conversacion ey ta mantene contactonan estrecho cu e deliberacionnan, na e bisi anteriormente, cu e delegacion indones a laga ripara anteriormente cu e Soebandrio lo sali pa Djakarta p'cu e mester logia un progreso mas grandi den direccion di e punto di bisi di su gobierno.

E conversacion a dura 35 minuut. Ora cu nan a puntra Soebandrio despues, cu e deliberacionnan cu e hulandesnan ta cerca di cai den un impasse,

el a responder: „No, te caminda mi sa no”.

E minister indones a bisa cu el a delibera cu e president, tocante e manera, riba cual, nan por hanja un solucion pacifico, pa e kestion di Nieuw Guinea occidental. E no kier a duna mas particularidadnan. Pero si minister Soebandrio a bisa, cu e tin idea, di regresa Djakarta awe.

Semper tin ainda contacto entre e dos partidanan. Riba pregunta cu e consultonan lo continua despues cu e bai, el a responde: „Si, den cierto sentido. Te ainda tin un paar di asunto cu nan mester trata. Di banda indones nan a tende, cu te ainda no tin ningun plan, pa un salida di embahador indones Adma Malik, cu Soebandrio, for di Washington. Un diplomatico cu tin relacion cu e deliberacion, a duna simonbango como su opinion personal, cu actualmenten tin poco deliberacion di berdadero interes.

Den e conversacion acerca dje deliberacionnan hulandes indones secreto, nan a bisa, cu nan no ta di acuerdo ainda tocante e schema pa entrega di gobierno na Indonesia. Segun e plan Bunker, e entrega mester tuma lugar, progresivamente, en periodo di un te dos aña. For di e conversacion menciona, nan a tende, cu indonesnan, kier haci e periodo aki menos, mientras hulandesnan kier tene nan mes na e plan original. Maske nan no tin hopi speranza den e perspectivanan di mas deliberacionnan importante, nan a bisa, cu iniciativanan nobo di un dje partidaron lo por bolbe reanuda e deliberacionnan.

RUSONAN A LANSA SATELITE TERRESTRE

MOSCU, 30 juli — Union Sovietica, a lansa ajera un satellite terrestre Cosmos 7 den espacio. E oficina di prensa Tass a anuncia cu e lansamentu tabata un exito. E satellite ta contene instrumentacionnan científico. Nan ta spera di por hanja datonan tocante zonanan di radiacion rond di mundo y peliger di esakinan riba viahe den espacio.

SITUACION POLITICA NA PERU

LIMA, 30 juli — E hunta militar na Peru a recupera e derechonan constitucionales cu dia 18 di juli a worde suspende pasobra e motiun na esey a cueda, asina nan a participa ajera na Lima.

Nan ta calcula, cu president Prado, cu a worde destitui door di e comandante militar, lo worde liberta e siman aki. Lo e mag di keda na Lima, asina un participacion ta bisa.



E campeon mundial di peso pesado Floyd Patterson ta train diariamente cu masha energia na su forma pa e gran pelea contra Sonny Liston, cual pelea lo tuma lugar na Sept.

TEAM DI MARTINUS BISLICK A GANA ELIMINACION DI SPEARFISHING

(Di nos redactor deportivo)

Ayera mainta e segundo dia di eliminacion entre e tres equiponan di spearfishing a worde teni. Manera ya nos a yega di publica esaki ta un eliminacion organisa cu e obhetu di manda un team bai competi na Miami otro luna durante un torneo internacional.

E team di Martinus Bisllick, cu a termina e promer parti di e eliminacion den promer lugar ayera a mantene e puesto ey acumulando un total di 366 puntos pa un gran total di 562. E equipo aki ta consisti di Martinus Bisllick como capitán, Epifanio Ras y Joseph Maisterhoten. Nan p'cu lo representa Aruba den e torneo internacional na Miami, cual lo worde teni for di dia 10 te 12 di augustus.

E team di Eddy Bisllick ayera a mata piska pa un cantidad di 228 punto pa yega na un gran total di 355 puntos.

Den tercer y ultimo puesto a keda e team di Buchi Muxale, cual team ayera a obtene unicamente 75 puntos pa un gran total di 216 puntos.

Como delegado lo viaha cu e equipo arubano Dr. Dolfi Oduher.

ESSO 8 ERRES 3

(Di nos redactor deportivo)

Esso Service Centers a triunfa riba Erres cu score di 8 carrera pa 3 den otro partido di baseball clase A. E

ORGANISACION DI ESTADONAN MERICANO

Cuater pais latino Mericano a pidi pa un reunion urgente, dje concho dje organizacion di estadonan Mericano. Esaki mester trata mas pronto posibel, e reunion di un conferencia di ministerian di Exterior, pa delibera cion acerca dje actitud, cu gobierno di paisnan dje organizacion ta tuma contra gobiernonan, cu a wordu crea door di golpinan di estado. Dialuna e concho lo reuni.

AGENDA

Imprimi na N.V. Drukkerij „De Stad” Theaterstraat 11 - Willemstad Edicion suelta oblañable na 20 cent nan Union Store, San Nicolas - Boekhandel Mariska, Oranjestad - y Cabana Shop

Edita pa: N.V. ARUBAANSE DRUKKERIJ - EN UITGEVERIJ - EN PUBLICITEIT M.J. Nassastraat 85 - Oranjestad, Aruba N.A.

ARUBAANSE COURANT

dialuna cu excepcion di diadomingo.

Suscripcion y 325 paga adelante Edicion suelta 20 ct.

Telefon 2116 Redaccion y suscripcion 1116 Directiva y anuncio

Directeur-hoofredacteur: D. Wolff

CINE
Dialuna 30 di juli 1962
DE VEEB: 8.30 or „Ben Hur” A.L.
REALTO: 8.00 or „Man on a string” A.L.
PRINCIPAL: 8.00 or „Strangers when we meet” 18 J.
AURORA: 8.00 or „Joselito y Pulgarito” A.L.
SAVANETA: 8.00 or „Peeping Tom” 18 J.

WIT-GELE KRUIS

Oranjestad: Dr. Ewald.
San Nicolas: Dr. Perpetua.
Santa Cruz: Dr. Ludovic.
Hospital San Pedro di Verona tel. 2200.

BOTICANAN DI WARDA

Oranjestad: BOTICA OUBER tel. 1780.
San Nicolas: BOTICA CENTRAL tel. 5008

PARTERA

Dr. Th. E. Gibbs, J.G. Emanstraat 72 Oranjestad, tel. 1353.

POSTSLUITINGEN Maandag

Anguilla 14.00, Antigua 14.00, Argentina 14.00, Bolivia 14.00, Bonaire 8.00, Brazil 14.00, Br. Guiana 15.30, Canada 8.00, Canal Zone 15.30, Chile 14.00, COLOMBIA: Barranquilla 15.30, Bogota 15.30, Costa Rica 15.30, Cuba 10.00, Curacao 8.00 - 16.00, Ecuador 14.00, El Salvador 15.30, EUROPA (AZI-Afrika) 8.00, Fr. Guiana 15.30, Guadeloupe 15.30, Guatemala 15.30, Haiti 15.30, Honduras 15.30, Br. Honduras 15.30, Jamaica 10.00, Martinique - U.S.A. Mexico 15.30, Montserrat - U.S.A. Miami Fla. 10.00, (AZI-Afrika-Australia) New York 8.00, New Orleans 15.30, Nevada - Nicaragua 15.30, Panama 15.30, Paraguay 14.00, Peru 14.00, Puerto Rico 15.30, Rep. Dominicana - St. Kitts - St. Maarten enz. Suriname 15.30, Trinidad enz. 15.30, Uruguay 14.00, VENEZUELA: Caracas enz. 15.30, Maracaibo - Virginia Eilandan -
Atencion: Cerramiento di pizanan certifica ta un ora prome cu di post.

RADIO KELKBOOM

Dialuna 30 di juli 1962

8.00 Opening
8.02 Selección Musical cu disco Latino
8.30 Cumpleaños Feliz
9.00 Variacion Musical cu discos Europeo Norte-Americano y Latino
9.15 Cita cu Disco Latino
9.30 Musica Instrumental
10.00 Ritmo Latino
10.30 Noticia di N. Habibe Jr. Supermarket
11.00 Musica Norte Americana
11.15 Musica Antillana
11.30 Musica varia
12.00 Lunchmuziek
12.05 Texas Furniture Store ta presenta: Noticia Local i Internacional.
12.20 Intermedio musical
12.30 Aruba Boekhandel Bledt U „Nieuws in het Nederlands”
12.45 Intermedio Musical
12.55 Viana Auto Supply brings you „News in a nutshell” (Eng.)
1.00 Musica varia
1.30 Mei ora cu Boleros
2.00 Variacion Musical
2.30 Musica Instrumental
3.00 Cha cha cha
3.15 Merengues
3.30 Nan spaa plaça cumprando na La Esperanza
4.00 Rancheras
4.30 Noticias na Pap. pa cortesia di Wimco
4.45 Cocktail musical
5.00 Ranchera Cubanas
5.15 Musica varia
5.30 Alle Hens
6.00 Intermedio Deportivo (International y Lokal)
6.15 Calypso
6.30 Dinermuziek
7.00 Aruba Trading Co. ta presenta „Noticiero Schlitz” (Pap.)
7.15 Musica Varia
7.30 Musica Huandao
7.45 Mercurius Trading Co. bledt U „Nieuws in het Nederlands”
8.00 Boekbinding
8.15 Colgate. Palmolive ta presenta

novela „Extrallta”
8.30 Variacion musical
8.45 Rene elizandres y su Orquesta
8.50 Peliculas
9.30 Musica varia
10.00 sluiting.

RADIO VICTORIA
Dialuna 30 di juli 1962

9.00 Apertura
9.05 Ultimas Noticias
9.15 E Babel Habi
9.30 E Mundo Femenino
9.45 Canticanan Di Evaugallo
10.00 World News
10.10 Hymn of the Day
10.15 Radio Revival
10.45 Organ Melodias
11.00 Stories of Great Christians
11.15 Novela
11.30 Melodias Di Maria
12.00 Ultimas Noticias
12.15 Musica Sagrada
12.30 World News
12.45 Quiet Time
1.00 Radio Concert Hall
2.00 Reading Room
2.15 Songs of Zion
2.30 Quiet Hour
2.45 Ensayos Musicales
3.15 Café Con Musica
3.30 La Hora Bautista
4.00 Musica Di Banda
4.15 Ultimas Noticias
4.30 Vertel Uurtje
4.45 Noticia Español
5.00 La Voz Del Evangelio
5.15 Palabranan Di Bida
5.30 Musica Para La Cena
5.50 Ultimas Noticias
6.30 Intermedio Musicales
6.45 Nederlands Nieuws
7.00 Hymns That Live
7.15 On Wings of Song
7.30 Cavalcade of America
8.00 World News
8.15 Off the Record
8.30 Back to the Bible
9.00 Musical Gems
9.30 Haven of Rest
10.00 World News
10.05 Klassieke Muziek
11.00 Sign Off

RADIO CARACAS TELEVISION
Lunes 30 de julio de 1962

8.55 Páron de Radio Caracas Televisión
8.57 Informacion sobre los progr. del di
9.00 Documentales
9.30 Sábados de las
9.45 Cinematograficos
10.00 El Calendario de mama.
10.30 Cosas de Mujeres
11.15 Cortos Cinematograficos
11.30 La Perfecta Ama de Casa
11.40 LAC.V.I.R.T.V. Informa a la Nacion
12.05 Telenovela Fab
12.25 Show de Saume
1.35 El Imparcial Televisión
2.00 Punto y Aparte
2.30 Club Femenino
3.00 Estudio de Hector Monverede
3.30 Fantasia
4.30 Club de los Niños
5.30 Cine variedades „Yukery”
6.00 Show de Renny
7.15 La novela de las 7.15
7.30 Tapa lo sabe Todo
8.00 El Observador Creole
8.15 Su novela Palmolive
8.30 Esta noche Billo
9.00 Novela Camy
9.15 Amador Bendayan en T.V.
9.30 Persiguiendo al crimen
10.00 Noche de gala
11.00 Cine-programa
12.30 Marcha Oficial Himno Nacional Despedida

ROBERT SOBLÉN A PERDE APELACION

LONDEN, 30 juli — E Mericano Dr. Robert Soblen, kende na Merca tabata condena na castigo perpetuo di prison pa motibu di espionahia pa Union Sovietica, a perde e apelacion cu el a haci contra su detencion den un prison Londinense. Algun tempu pasa Soblen, kende tabata liber na Merca contra pago di un suma di garantia den-espero di decision final di Corte Supremo na Merca, a hui for di e pais ey y a bai Israel. Ora cu nan a expulsa for di Israel y cu e tabata den un avion pa Merca, el a herida su mes di tal manera cu nan mester a hospitalisale na Londen unda e avion a haci un escala. Soblen a pidi gobiernu Ingles asilo politico. Awor su abogado nan kier haci un ultimo intento pa saca nan cliente liber d'or di haci un peticion na Camara de Los Lores.

mente i silenciosamente Vera a camina yega na e cama. I na e momento ei Rita tabata drumi cu su cara pa muraja. E tabata jora suave. „Rita”, Vera a grita cu compasion. Involuntariamente e mucha a bira su cara.

„Ta quende a larga bo dreña aqui?” „Ta mi mes a dicidi na dreña.” „Ma bisa exclusivamente cu mi no ta dispuesto na ricibi ningun bishita awe. Pa ningun hende...” „Ni tampoco bo amigunan?” Vera a punte cu un reproche suave. „Mi a tin ningun amigu...” „Pero Rita...” „No. Mi no tin ningun amigu”, Rita a bisa caprichosamente. „Amigunan den necesidad ta masha poco. Hendenan cu awe ta jama nan mi amigunan pronto lo bira lomba pa mi.” „Tende Rita, ta di unda mi ta merece un semejante trato?” „Ta solamente curiosidad a trece bo aqui.”

„No.” Vera a bisa paciente, „pasobra ei a mira e penanan cu Rita tabata sufriendo. Ma bini aqui pasobra mi tabata masha preocupada pa bo. Enter personal di teatro ta informa pa bo.” „Acaso mi mester quere bo...” „Nan ta pretende cu bo mester ta masha malo, Rita. Pasobra esei sol caba ta proba bo ausencia foi teatro.” „Nan no a bisa nada otro?” „Ta quico mas lo nan tin di bisa antio?”

„Ma quere cu bo por a tende esei caba foi un of otro fuente.” „Quico antio?” „Cu ma quibra mi compromiso cu Harold.” „Si, mi tabata sa esei”, Vera a bisa seriamente. „Com bo por a sa cu mi no tabata compromete mas?”

„Decenhard no tabatin su renchi di compromiso mas bisti.” I na un manera participante e tabata caricia Rita su man. „Esaki a pensa: „Lo mi por ekiho-ca mi antio den dje? Ta inhuencia ma comete antio cune?”

El a queda ta mira Vera duru den su cara. „Mi cu Harold a separa foi otro, pero quedando nos tur dos cu masha amistad cu otro. Nos a bin comprende cu nos tur dos a comete un ekibocacion.” „Anto ta masha huicioso di bo di a quibra bo compromiso.”

UN HOGAR SIN AMOR

(Po: TUYUCHI)
presenta pa cortesia di
HOLLANDSE BANKETBAKKERIJ
Oranjestad tel. 2798 — San Nicolas tel. 5478
E mehor odres pa Bolo y tur clase di pasa-boca.
Dioramente fresco.

— No. 60 —

„Larga nos no sigui mas leu na haci e momento aki bira un drama. Harold. Mi tambe debe bo un declaracion.... Scucha. Dia cu b'a duna mi e poesia, mi no a pensa nada otro sino cu e tabata dedica na mi i mi curazon tabata hubija. Ya mi tabata stima bo caba e dia ei. Pero foi dje anochi ei nos no a mira otro tampoco mas. Bo no a larga tende nada mas di bo. E ora ei mi tambe a cumintza un sorto di carinjo cu cualquie hoben por duna un mucha muhe sin ningun pensamentu serio acerca. Pero despues di hopi tempo cu mi a bin mira bo trobe, como un hoben asina serio i asina formal, m'a bin pensa unbez cu e poesia di bo entrega na mi mester ta un indicacion formal. Quizas ta na sorto di maneranan asina hendenan serio i formal ta duna declaracion di nan amor. Tur e anjanan ei mi tabata vibra entre miedo i esperanza. Ma bin contra cu bo pa casualidad despues.... i b'a bin conta mi bo pasashi. Bo n'a ta corda com e dia ei m'a bisa bo cu bo mester cumintza na papia cu e mucha muhe cu bo curazon ta desea? Bo n'a ta corda cu m'a bisa bo cu bo mester scohe e camina hack di antes? Te na e momento ei mi tabata convenci cu ta mi tabata e mucha muhe ei.”

„Mi n' mester a quere esei, unavez cu hasta b'a entrega mi e versionan?” E hoben a sagudi cabez, mientras e mucha muhe a sigui: „Dia cu mi tra a muri m'a bira bo comprometi. Mi tabata convenci di tabata dispone di bo amor. Awor mi sa mehor. No tabata mi falta, ni tam-

„Ta duel mi, pero no por hanja e senjorita papia cune”, e camarera a bisa Vera Sarino, pero ei e tabata na un adres robez, pasobra Vera no tabata queda satisfecho solamente cu e palabranan aki.

„No papia coi loco cu mi, mucha. Ta depende ta QUENDE y QUENDE na bin bishite. Lo e queda contentu cu un amigu di dje bin informa pa su salud. I no sigui protesta, pasobra toeh mi n'a bai foi aqui sin cu mi a hanja bo maestra mira...” E siguiente momento Vera mes a corre subi trapi. Rita no a tende ta subi. Prudente-

LAGA REDDY HACIELE PA BO!

Senjora;
Bo sabi cu Reddy Kilowatt gustosamente kier haci tur trabou fastioso pa bo. Lagué mansa bo harinja di pan, cushina bo cuminda, polish bo vloernan, stof bo tapijtnan, roaster bo pan y diferente otro trabou.

E TA HACIELE CU SMAAK.

DICK TRACY pa cortesia di: CIGARIA ANTILLANA e cigaría mas preferi

Cu filter y sin filter. Agente: J. H. (Yendi) Croes — Aurora Bar Tel. 1041.

RIP KIRBY po cortesia di: Jan Bodegom en Co (Aruba) N.V.

agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE

BISHITA DI SOEVANNAH PHOEMA NA WASHINGTON

WASHINGTON, 30 juli — E premier di Laos, y lider di movimentu neutralista di pais, principe Soevannan Phoma, a yega Washington, caminda a saludele, minister Merichino, Dean Rusk. Den un discurso Rusk a bisa, cu Merca ta contra riba e acuerdo di Ginebra tocante neutralidad di Laos.

Principe Soevanna Phoma, a expresa su esperanza, cu tur e Laosianonan cu ayudo di tur paisnan cu cual nan tin amistad, lo adqueri, independencia, soberanidad y neutralidad di nan pais.

Tabata necesario, pa paz den henter Laos, y cu e economia di pais, lo ta riba un bon fundamieto.

E premier Laosiano lo delibera cu president Kennedy, tocante posibilidad di ayudo Mericano na Laos.

PROTESTA DI ALEMANIA ORIENTAL

BERLIN, 30 juli — E ministerio di Alemania Oost di exterior, a protesta cerca e potencionan occidental, en relacion cu dos explosion.

Cu tabatin ayera na e muraja Berlines, cual a causa dos buracu grandi den e muraja. Segun oficina di Alemania Oost di prensa A.D.N.

E explosionnan ta trabao, di un organisacion di no di un solo persona, manera polis di Alemania West a bisa.

Nan a hantja explosivo banda di buracu causa door di explosion. Tambe prome cu e explosion tres oficial Mericano a inspecciona e muraja poco prome cu e explosion.

Desarrollonan den e kestion di NIEUW GUINEA

DIARART, 30 juli — E minister president Indones, Djoeanda Kartawidjaja a bisa ayera, cu e desarrollonan den e kestion Nieuw Guinea lo ta decisivo den e dianan cu ta hial en relacion cu e pregunta si un solucion pacifico ta posibel si of no.

Djoeanda a combersa cu prensa despues di un reunion di e comandancia supremo Indones pa liberacion di West Nieuw Guinea den palacio presidencial, cual reunion a dura dos ora.

E reunion, cu tabata presidi pa president Soekarno, tabata trata e raportnan di minister Soebandrio, kende actualmente ta na Washington. Djoeanda a ripiti, cu Indones no solamente ta depende di e negociacionnan pa di eidi riba futuro di West Nieuw Guinea. El a bisa cu enfasis, cu su gobierno ta ainda ta spera y ta haciendo esfuerzonan pa logra un solucion pacifico.

En relacion cu e encargo di Soebandrio, Djoeanda a bisa, cu e minister Indones di exterior te ainda ta investigando e punto di bista Hulandes pa hantja seguridad si e dos partidonan ta e mesun puntionan di bista en relacion cu solucion di e conflicto a base di e proposicion di Bunker.

Djoeanda a bisa, cu e reunion a atende tambe e ultimo desarrollonan riba terreno militar. Na e deliberacionnan ey tabata presente tambe e

minister di defensa. Nasosion y e comandante supremo di e forsanan militar Indones.

Mas prome den mainta Soekarno tabatin un entrevista cu e embahador Mericano, Howard Jones, cu cual e president a papia mei ora.

Nan ta accepta en e combersacion tabatin e kestion Nieuw Guinea como tema.

Representanten di conseho di Nieuw Guinea pa Merca

E gobierno ta dispuesto, pa manda na cuatru momento un representacion mas pronto posibel, di conseho di Nieuw Guinea, pa New York. Asina e delegado di gobierno, senior Veldkamp, a bisa ayera noch, durante e sesion di e conseho di Nieuw Guinea, riba e mocion entrega dia 10 di juli door di Jouwe, den cual el a pidi, pa manda Papoanan na e delegacion di Hulanda na Nacionnan Uni. Despues cu nan a delibera den secreto, nan a eligi pa e representacion aki, seniorrenan Jouwe, H. Womsiwor y Tanggahna.

Nan lo sali awe pa Hulanda, pa bira mas na altura tocante e actividadnan na Merca. E representacion lo wordu staciona temporalmente na New York, y regularmente delegadonan Hulandes lo tene nan na altura y duna nan tambe conseho.

Sch. bij Nacht Reeser tocante documentonnan Indones

E comandante di forzan di guerra na Nieuw Guinea, Schout-bij-Nacht Reeser, a declara ayera na Hollandia, cu e documentonnan, cu nan a hantja na paraicidistanan Indones cerca Merca, no ta contene planan, completo di operacion, ni gerizahanan aerea cerca di Hollandia.

El a bisa asina en respueta riba preguntanan na su conferencia semanal di prensa, na Hollandia, agregando, cu nan por a stipula for di documentonnan, kiko e planan ta. Tocante anuncio di fuente Indones, cu paraicidistanan, no ta dispone di tal planan, e comandante a bisa, solamente: „Ami no a bisa mesun cos den un tal caso. Den e documentonnan no tin fecha, y tambe poco mi por garantisar ki dia e atake lo tuma lugar.

E minister Indones di exterior, Dr. Soebandrio, y e embahador Hulandes na Washington, Dr. van Roijen ayera noch laat a repasa e progresonan cu nan a logra na e deliberacionnan secreta den e kestion Nieuw Guinea.

Segun fuentenan diplomatico, cu a haci anuncio di e planan pa e entrevista, e tempu cu nan lo reuni ainda no ta stipula definitivamente. Nan a traha e planan despues di un conferencia cu nan a tene ayera entre Soebandrio y Ellsworth Bunker, e ex-diplomatico Mericano kende ta asisti na e conferencianan como observador neutral.

E deliberacionnan entre Soebandrio y Bunker, segun informenan ayera tardi trepan lo wordu suspende pa haci e entrevista entre Van Roijen i Soebandrio.

Segun fuentenan Indones Dr. Soebandrio tabatin intencion, pa prome cu e papia cu Van Roijen e conferencia cu Adam Malik, e representante Indones na e deliberacionnan secreta.

Dr. Soebandrio no a participa na e deliberacionnan aki, pero e tabatin un entrevista cu Van Roijen, diahuebs siman pasa.



Siman pasa porfin nan a firma un acuerdo na Laos. Riba e portret aqul nos ta mira e momento riba cual e representanten di Inglaterra y Rusia Lord Home y Gromyko, ta firma e tratado, mientras premier dje gobierno di Laos, Prins Soevanna Phoma ta para mira. Gromyko ta banda robes, Lord Home ta banda drech.

ISLA BOHAYAN ATACA

JESSELTON, 30 juli — Seis homber arma den un boto di bela a ataca e isla Bohayan na e costa Oost di Noord Borneo Ingles, asina polis na Jesselton a participa. E hombernan a tira den laira y nan a cuminsa saquea e isla. Nan a queda un ora riba e isla. No ta conoci ainda quico nan a bai cu ne.

ROEANDA Y BOEROENDI

NEW YORK, 30 juli — E conseho di seguridad ayera a recomenda unanimemente pa admiti Roeanda y Boeroendi como miembronan di Nacionnan Uni. Asina ta informa den circulan ayera na e conseho.

HUELGANAN NA SANTO DOMINGO

SANTO DOMINGO, 30 juli — Polis arma cu scopetnan automatico y gas lacrimogeno, ayera tabata haci patrulla den cayanan di Santo Domingo na Republica Dominicana.

27 federacion di trabao tabata wel ga como protesta contra un ley nobo riba inkomstenbelasting.

Tabatin un tension masha alu den e ciudad, pero nan no a anuncia ningun incidente. E lidernan di e welga a nenga noticianan oficial cu e welga tabata organisa en conexion cu e dia di independencia na Cuba.

President Bonnelly entre tanto a anuncia, cu Republica Dominicana lo acusa Cuba oficialmente di actividadnan subversivo. El a bisa cu radio Havana ta duna transmisionnan, cu ta dirigi riba Republica Dominicana y cu ta anima e pueblo pa comete actonan di violencia.

ARRESTACION DI EX DELEGADO MERICANO

NEW YORK, 30 juli — Polis Mericano, a aresta un ex delegado, Pat Sutton y su rumen homber y tambe dos otro persona. Nan ta acusanan di ta laga placa falso circula. Sutton, tabata di 1948 te 1954 miembro di camara di delegadonan. El a keda den libertad, contra pago di un suma di garantia di 7500 dollar.

BEN BELLA LO ESTABLECE SU SEDE NA ARGEL

E oficina politica forma pa Ben Bella y su simpatizadonan lo establece su sede un di e dianan aki na Argel, asina nan ta informa den circulan a yega na e oficina. E delegado di e oficina na e liga arabe tin orden pa pidi pa Argelia bira miembro completo di e organisacion. Te awor Argelia tabata representa den e liga pa solamente un observador.

Den un discurso na Tiarret den e distrito Oran Ben Bella a bisa ayera tardi cu eheucion di e reforma agraria ta e prome tarea di e revolucion.

E diferencia di opinion entre Tlemcen y Argel no ta existi mas for di dia cu nan a forma e oficina politica, asina el a bisa. Lo por tin, segun Ben Bella den e actual Argelia solamente un partido.

Boudiaf, un minister di e gobiernu provisional, na Tizi Ouzou a haci un yamamentu na tur militarnan y e luchadornan di e exercito nacional di liberacion pa nan organisa nan mes y bringa contra e golpe di estado.

Ben Chedda den un declaracion na Argel a bisa prensa, cu e peligracion na un guerra civil e intervencion di exterior a bolbe bira realidad.

Trupanen anti Ben Bella pa Constantine

Fuentenan bon informa na Tizi Ozeoe, a anuncia, cu trupanen di mas o menos 1200 solda, di e tres distrito militar Argelino, Kabylia, cu ta partidarianan dje vice-premier Argelino, Belkacem Krim, y adversarianan di Ben Bella, ta dirigi nan mes pa Constantine.

Tambe nan a anuncia, cu partidarianan dje premier Argelino Ben Chedda y Krim ta defende nan mes na e cuartel general na Constantine, maske nan ta rondona door di trupanen di Ben Bella, cu tambe ta vice-premier, pero adversario di Ben Chedda. Tizi Ozeoe, ta capital di Kabylia, y cuartel general di vice-premier Belkacem Krim y Mohammed Boedialf, ambos adversario di Ben Bella.

Condenacion

Belkacem Krim, vice-president di e gobiernu provisional, a condena e golpe na Constantine. El a haci un ya-

mamentu na e forsanan revolucionario pa nan duna resistencia contra e intento aki pa establece un dictadura. E ministernan di e gobiernu provisional a bandona Argel. Solamente premier Ben Chedda ta ainda den su palacio di verano.

Gabinete Frances a dicidi di inter-venen na Argelia pa protega e ciudadanonan Frances si e situacion bira mas peor.

EXITO INDIRECTO PA KENNEDY

NEW ORLEANS, 30 juli — E delegado Hale Boggs, un importante partidario di president Kennedy den congreso, a bolbe worde recomenda y ta casi sigur di reeleccion den un pre-eleccion democratica. Esaki masque cu tabatin un oposicion conservativo fuerte.

Boggs, e yabi di e mayoria democratica den camara di diputados a califico su victoria como un derota pa esnan cu ta culpa e president di tur cos malu. Tabata especialmente un victoria riba esnan cu ta sigui odia e medio di e agrupacion extremo derecho di John Birch.

AYUDO INTERNACIONAL PA ARGENTINA

WASHINGTON, 30 juli — Ministerio mericano di exterior a anuncia ayera, cu Merca, a consenti den ayudo, pa gobierno di Argentina, pa su intento pa limitacion dje presion inflacionario.

Nan a duna e anuncio aki, despues di deliberacionnan di minister di asuntunan economico di Argentina, Alvaro Alsogaray, na Washington. Minister Alsogaray, a anuncia na un conferencia di prensa cu su bishita na Merca, a conduci, pa redondeacion di acuerdonan tocante fianzanan internacional y mericano pa un suma total di 500 miliard dollar. E fondo internacional monetario, a anuncia ayera cu pronto nan lo manda un delegacion pa Argentina, cual lo coopera na un investigacion nobo, pa e situacion economico y financiero dje pais.



E aviador mericano Robert White, e piloto di „X-15“, cu a avion aqui un altura di 9300 meter, a conquista pa medio di e prestacion aqul e insigno di „Astronauta“. Su muhe prguloso tabatin e privilegio di por a hinka e senjal di distincion aqul riba e tuniek di su uniform. White a bira anto di prome Cosmonaut cu un avion.

ARIES 11 Maart — 20 April



No larga n'gun chens pasa sin haci uso di dje. Yuda otro nan den nan dificultadnan.

TAURUS 21 April — 20 Mei



E parti di mas dibertido dje atardi i anochi aqul lo ta na bo fabor. P'esei probecha bon di dje.

GEMINI 21 Mei — 20 Juni



E atardi di awe ta duna bo un ocasion di saca probecho foi personan mas bieu.

CANCER 21 Juni — 22 Juli



E atardi aqul ta favorable den mehoracion di bo relacionnan. Trata na quita nan foi camina.

LEO 23 Juli — 22 Augustus



Esaki ta un dia cu aspecto financiero cu no ta desfavorable, basta cu bo mira bon.

VIRGO 23 Augustus — 22 September



E aspectonan di ajera ta continua ainda, pero ta perde nan influencia parti di anochi.

LIBRA 23 September — 22 October



Trata na regla e asunto di tal manera, cu e dianan aqul lo sea un paar di dia calmo pa bo.

HOROSCOOP DI AWE
Pa cortesia di BOTICA ARUBA
„Bo botica di confianza“
tel. 1080-1081

SCORPIO 23 October — 22 November



Un cambio di aspecto ta pone impresion e atardi aqul riba e amistad duradera i relacionnan.

SAGITARIUS 23 November — 21 December



Negoshi i asuntunan practico ta goza awe di preferencia. Awe ta un dia menos adecuado pa asuntunan priva.

CAPRICORNUS 22 December — 19 Januari




No descuida bo debernan ni maske ta e belasting. Otronan lo intermedia.

ACUARIUS 20 Januari — 18 Februari



Paga tino pa otronan no sobrecarga bo cu obligacionnan cu bo no por cumpli cu tur.

PISCES 19 Februari — 20 Maart



Facilmente lo bo por ser engaña door di otronan pa via di nan medianan of maneranan di paga.

Na januari di 1963 di quinta Spearfishing international lo tuma luga na Bonaire. Ta spera den e dianan como 150 persona na Bonaire. Riba e portret aqul nos ta mira president di comision di piscamentu central, cu diadomingo di siman pasa a cohe un saifish di dos meter largu, loque trobe ta un prueba cuanto e piscadonan lo por saca for di mar Caribe.

EL DIARIO DE UNA VIDA presenta pa cortesia di: PIETS' SODA FOUNTAIN

★ e mehor adres pa snacks, tur clase di dushi, softdrinks, ice-cream y revistas

1. „Ai!“ „Si, aki bo mester duna bo cuenta cu bo ta bin mira com nan biba den e barrio pobhnan.“ 2. „Mucha!“ „Hola, Mildred. Com ta bai aliezo real?“ 3. „Hilaria, com ta bai mi jioe? Mi ta gradici bo cu bo a bin mira mi.“ „Y akinan bo a bin bira bon.“



PEPITA

pa cortesia di: **Antillian Hardware Co**
Bo mehor adres pa HERMENT, Y TUR MATERIAL DI CONSTRUCCION!

1. „Mi no sabi kiko a pasa mi, mi no por drumi.“ „Pensa den algo agradable, Lorenzo.“ 3. „Na unda el lo a bai?“ 4. „Mi a pensa den algo agradable y até aki!“

